

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), člana 39. stav (3) i člana 52. stav (1) i (3) Zakona o izvršavanju Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25), na prijedlog Ministarstva zdravstva, Vlada Zeničko-dobojskog kantona, na 124. sjednici, održanoj 10.04.2026. godine, d o n o s i

ODLUKU

o usvajanju Programa utroška sredstava u razdjelu 21 – Ministarstvo zdravstva na poziciji „Transfer drugim nivoima vlasti“ - „Tekući transfer za JU Kantonalna bolnica za edukaciju doktora medicine i stomatologije na specijalizaciji i doktora sekundaraca“ – izvor 10 Budžeta Zeničko-dobojskog kantona za 2026. godinu

Član 1.

(Predmet)

Usvaja se Program utroška sredstava u razdjelu 21 - Ministarstva zdravstva, budžetska organizacija 01, potrošačka jedinica 0001, ekonomski kod 614100, subanalitika LAX018, pozicija „Transfer drugim nivoima vlasti“ - „Tekući transfer za JU Kantonalna bolnica Zenica za edukaciju doktora medicine i stomatologije na specijalizaciji i doktora sekundaraca“ - Izvor 10 Budžeta Zeničko-dobojskog kantona za 2026. godinu, u iznosu od 5.000.000,00 KM (slovima: petmilionakonvertibilnih maraka), koji čini sastavni dio ove odluke.

Član 2.

(Realizacija sredstava)

Sredstva planirana ovim programom utroška sredstava, realizovat će se isključivo u skladu sa realizacijom ostvarenih javnih prihoda u Budžetu Zeničko-dobojskog kantona u prethodnom mjesecu, planovima novčanih tokova Budžeta Zeničko-dobojskog kantona, te mjesečnim i kvartalnim operativnim planovima izvršenja Budžeta odobrenim od strane Ministarstva finansija, osim u izuzetnim slučajevima odobrenim posebnim aktima Vlade Zeničko-dobojskog kantona.

Član 3.

(Realizacija Odluke)

Za realizaciju ove odluke zadužuju se Ministarstvo zdravstva i Ministarstvo finansija, svako u okviru svojih nadležnosti.

Član 4.

(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-7164/26

Datum, 10.04.2026. godine

Zenica

PREMIJER
po ovlaštenju

Dženana Čišija

DOSTAVLJENO:

1x Ministarstvo zdravstva,

1x Ministarstvo finansija,

1x „Službene novine Zeničko-dobojskog kantona“,

1x a/a.

P R O G R A M

**u razdjelu 21 – Ministarstvo zdravstva na poziciji „Transfer drugim nivoima vlasti“
- „Tekući transfer za JU Kantonalna bolnica za edukaciju doktora medicine i
stomatologije na specijalizaciji i doktora sekundaraca“ – izvor 10 Budžeta Zeničko-
dobojskog kantona za 2026. godinu**

I. PREDMET PROGRAMA

Ovim programom utvrđen je utrošak sredstava planiranih u Budžetu Zeničko-dobojskog kantona za 2026. godinu („Službene novine Zeničko-dobojskog kantona”, broj: 24/25 i 5/26) u razdjelu 21 - Ministarstva zdravstva, budžetska organizacija 01, potrošačka jedinica 0001, ekonomski kod 614100, subanalitika LAX018, pozicija – „Transfer drugim nivoima vlasti“- „Tekući transfer za JU Kantonalna bolnica Zenica za edukaciju doktora medicine i stomatologije na specijalizaciji i doktora sekundaraca“ - .Izvor 10.

SVRHA PROGRAMA

Svrha ovog programa je finansijska podrška Vlade Kantona u finansiranju bruto plaća doktora medicine i stomatologije na specijalizaciji i doktora sekundaraca u JU Kantonalna bolnica Zenica sa ciljem obezbjeđenja adekvatnog kadra i spriječavanja odliva stručnog kadra iz ove zdravstvene ustanove.

Finansiranje JU Kantonalna bolnica Zenica iz sredstava Zavoda zdravstvenog osiguranja Zničko-dobojskog kantona vrši se u skladu sa Naredbom o standardima i normativima zdravstvene zaštite iz obaveznog zdravstvenog osiguranja u Federaciji Bosne i Hercegovine („Službene novine Federacije Bosn ei Hercegovine“, broj: 82/14,107/14 i 58/18) kojom nije obuhvaćeno finansiranje specijalizacija i subspecijalizacija, što finansijski dodatno opterećuje finansijsko poslovanje zdravstvene ustanove.

II. VISINA SREDSTAVA

Planirana sredstva za namjene utvrđene programom iznose 5.000.000,00 KM (slovima: petmiliona konvertibilnih maraka) i odnose se na sufinansiranje troškova edukacije doktora medicine i stomatologije na specijalizaciji i doktora sekundaraca u JU Kantonalna bolnica Zenica u 2026. godini.

III. IZVOR SREDSTAVA

Izvor sredstva za finansiranje ovog programa su planirana sredstva u koloni Izdaci iz Budžeta (izvor 10) Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25 i 5/26), razdjel 21 - Ministarstvo zdravstva, budžetska organizacija 01, potrošačka jedinica 0001, ekonomski kod 614100, subanalitika LAX018, pozicija – „Transfer drugim nivoima vlasti“ - „Tekući transfer za JU Kantonalna bolnica Zenica za edukaciju doktora medicine i stomatologije na specijalizaciji i doktora sekundaraca“ u iznosu od 5.000.000,00 KM.

IV. KORISNIK SREDSTAVA

Krajnji korisnik sredstava utvrđenih ovim programom je JU Kantonalna bolnica Zenica.

V. KRITERIJ ZA RASPODJELU SREDSTAVA

Članom 154. Zakona o zdravstvenoj zaštiti („Službene novine FBiH“, broj: 46/10 i 75/13) i Pravilnikom o specijalizacijama i subspecijalizacijama zdravstvenih radnika i zdravstvenih saradnika („Službene novine FBiH“, broj: 75/20 i 99/21) propisano je odobravanje specijalizacija i subspecijalizacija.

U skladu sa članom 11. stav (2) Pravilnika o specijalizacijama i subspecijalizacijama zdravstvenih radnika i zdravstvenih saradnika kantonalno ministarstvo zdravstva utvrđuje Prijedlog godišnjeg plana potrebnih specijalizacija i subspecijalizacija na osnovu potreba zdravstvenih ustanova i privatnih praksi sa područja kantona, a u skladu sa djelatnošću koju obavljaju i uz prethodno mišljenje nadležnog zavoda za javno zdravstvo i zavoda zdravstvenog osiguranja.

U skladu sa članom 11. stav (3) Pravilnika, konačan prijedlog godišnjeg plana potrebnih specijalizacija i subspecijalizacija, kantonalno ministarstvo zdravstva dostavlja Federalnom ministarstvu zdravstva do kraja septembra tekuće godine za narednu godinu.

Federalno ministarstvo zdravstva u skladu sa članom 11. stav 4. i 5. Pravilnika donosi Plan potrebnih specijalizacija i subspecijalizacija zdravstvenih radnika za područja kantona do kraja decembra tekuće godine, za narednu godinu i dostavlja ga nadležnim kantonalnim ministarstvima zdravstva, koji isti dostavljaju zdravstvenim ustanovama i privatnim praksama.

JU Kantonalna bolnica Zenica je svojim dopisom broj: 01-11-2587/26 od 26.03.2026. godine dostavila zahtjev da se u Program utroška sredstava „Tekući transfer za JU Kantonalna bolnica Zenica za edukaciju doktora medicine istomatologije na specijalizaciji i doktora sekundaraca“ uvrsti sufinansiranje bruto plata doktora medicine na specijalizaciji i doktora sekundaraca.

Na dan 31.12.2025. godine u JU Kantonalna bolnica Zenica bilo je zaposleno 63 doktora medicine na specijalizaciji i 32 doktora medicine (sekundaraca), uz napomenu da nema doktora stomatologije na specijalizaciji.

JU Kantonalna bolnica Zenica u 2026.godini, a prema dostavljenim podacima ove zdravstvene ustanove, treba obezbjediti ukupno 5.083.519,78,00 KM za plate i naknade (topli obrok, prevoz, regres, odvojeni život i ostale naknade) za doktore medicine na specijalizaciji, a za plate i ostale naknada doktora medicine- sekundaraca 1.346.268,35,00 KM, što ukupno iznosi 6.429.788,13 KM.

Prema podacima koje je dostavila JU Kantonalna bolnica Zenica ukupno potrebna sredstva za finansiranje bruto plata za doktore medicine na specijalizaciji i doktore medicne sekundarce u 2026. godini iznose 5.835.399,49 KM.

Imajući u vidu naprjed navedeno kao i iznos planiranih sredstava za ove namjene u Budžetu Zeničko-dobojskog kantona z 2026. godinu (5.000.000,00 KM) iz sredstava planiranih u Budžetu sufinansirat će se plate doktora medicine na specijalizaciji koje su projicirane u iznosu 4.593.279,59 KM i plate doktora medicine -sekundaraca koje su projicirane u iznosu 1.242.101,90 KM. Nedostajuća sredstva u odnosu na planirana sredstva Budžetom bit će finansirana iz vlastitih sredstava JU Kantonalna bolnica Zenica.

Posebnom odlukom Vlade Kantona o odobravanju sredstva transferisati će se ukupno 5.000.000,00 KM u jednakim mjesečnim ratama.

VI. IZVJEŠTAVANJE KORISNIKA

JU Kantonalna bolnica Zenica dužna je Ministarstvu zdravstva podnositi privremene mjesečne izvještaje o namjenskom utrošku doznačenih sredstava u roku od 10 dana nakon izvršene isplate plate i konačan izvještaj o namjenskom utrošku sredstava u roku od 30 dana od završetka finansiranja aktivnosti po ovom programu u skladu sa posebnom Odlukom Vlade Zeničko-dobojskog kantona o odobravanju sredstava.

VII. IZVJEŠTAVANJE MINISTARSTVA

Ministarstvo zdravstva dužno je, u skladu sa članom 52. stav (4) Zakona o izvršavanju Budžeta Zeničko-dobojskog kantona („Službene novine Zeničko-dobojskog kantona“, broj: 24/25) o utrošku sredstava po ovom programu polugodišnje izvještavati Vladu Zeničko-dobojskog kantona.

Broj: 02-11-7164/26

Datum, 10.04.2026. godine

Zenica

**PREMIJER
po ovlaštenju**

Dženana Čišija

DOSTAVLJENO:

1x Ministarstvo zdravstva,

1x Ministarstvo finansija,

1x „Službene novine Zeničko-dobojskog kantona“,

1x a/a.